

摘藻堂四庫全書薈要

史部

欽定四庫全書會要

史部

皇朝禮器圖式卷十二

詳校官編修臣繆晉

欽定四庫全書薈要卷八千三百九十六

史部

皇朝禮器圖式卷十二

鹵簿三

皇太后儀駕

皇貴妃


貴妃儀仗

妃



嬪采仗

皇太后儀駕萬壽輦



皇太后儀駕萬壽輦 謹按乾隆十六年

宗慶慈宣康惠敦和裕壽純禧恭懿皇太后六十萬壽

上尊養祝

釐鴻儀備舉預涓吉日自

暢春園

躬奉

慈駕入宮


皇太后御金輦明黃緞幃繡壽字篆文奉輦以二十八人

乾隆二十六年

皇太后七十萬壽禮亦如之

慶典攸隆光昭奕禩敬登簡冊以冠
儀駕之首

皇太后儀駕龍鳳輿



皇太后儀駕龍鳳輿 謹按宋史輿服志龍輿皇太后所

乘也元祐三年詔有司尋繹典故於是檐子飾以
龍鳳九年羣臣議改檐子為輿乾隆十四年


欽定

皇太后儀駕龍鳳輿木質髹以明黃通高七尺穹蓋二重
高一尺五寸五分上為八角各飾金鳳下正方四
隅飾亦如之冠金圓頂七寸二分鏤雲文銜以雜
寶簷縱五尺橫三尺七寸六分明黃緞垂檐上深

三寸下深一尺一寸皆銷金龍鳳四柱各高四尺
七寸縱四尺上橫二尺九寸下二尺三寸五分皆
繪金龍鳳櫺四啟青紉網之前為雙扉高二尺六
寸濶二尺一寸啟扉則舉櫺懸之內髮淺紅中置
朱座高一尺七寸倚高一尺八寸坐具明黃緞彩
繡龍鳳前加撫式亦髮明黃繪金龍鳳直轅二各
長一丈七尺二寸五分大橫杆二各長八尺中為
鐵鍍金雙鳳相向小橫杆四各長三尺肩杆八各

長五尺一寸皆髮明黃橫鈿以銅縱加銅鍍金鳳
首尾昇以十六人

皇太后儀駕龍鳳車



皇太后儀駕龍鳳車 謹按後漢書輿服志皇太后法駕


御金根加交路帳裳非法駕則乘紫罽輶車雲縵
文畫輶黃金塗五末明會典太后鹵簿安車一抹
金銅鳳頭鳳尾鳳翎葉片裝釘乾隆十四年

欽定

皇太后儀駕龍鳳車木質髹以明黃通高九尺五寸穹蓋
二重高一尺七寸上繪八寶八角各飾金鳳下繪
雲文四隅飾亦如之冠金圓頂八寸五分鏤雲文

銜以雜寶簷縱四尺九寸橫四尺明黃緞垂檐上
深三寸下深一尺一寸蓋明黃絡四隅繫明黃絨
紉屬於軫四柱各高三尺三寸縱四尺八寸橫三
尺一寸左右及後皆繪金龍鳳中各啟櫺青紉網
之門高三尺濶一尺八寸五分上鏤金龍鳳相向
明黃緞幃黃裏坐具明黃緞彩繡龍鳳輪徑各四
尺九寸各十有八輻轆二各長一丈七尺五寸鉗
以鐵鍍金軫長六尺二寸濶三尺三寸駕馬一

皇太后儀駕儀輿



皇太后儀駕儀輿 謹按馬端臨文獻通考唐制皇太后

鹵簿腰輿一輿士八人乾隆十四年

欽定

皇太后儀駕儀輿木質髹以明黃通高六尺一寸上為穹

蓋高七寸冠銀圓頂塗金高六寸五分簷縱四尺


九寸橫三尺八寸四隅繫黃絨紉屬於直轅明黃

緞垂幃深一尺二寸四柱各高四尺八寸縱四尺

二寸橫三尺一寸門高三尺九寸濶二尺七寸明

黃緞幃黃裏中置朱座高一尺七寸倚髻明黃高
一尺八寸繪金龍鳳坐具明黃緞亦繡龍鳳直轆
二各長一丈五尺六寸橫杆二各長七尺八寸中
為鐵鍍金雙鳳相向肩杆四各長五尺三寸俱髻
明黃兩端鈗以銅鍍金昇以八人

皇太后儀駕儀車




皇太后儀駕儀車 謹按乾隆十四年

欽定

皇太后儀駕儀車木質髹以明黃通高九尺九寸穹蓋上
圓下方高一尺冠銀圓頂塗金高七寸七分簷縱
五尺六寸橫四尺二寸五分四隅繫明黃絨紉屬
於軫明黃緞垂檐深一尺二寸四柱各高二尺九
寸縱四尺八寸橫三尺三寸不加繪飾裏髹淺紅
明黃緞幃黃裏坐具明黃緞彩繡龍鳳輪徑各四

尺各十有八輻轅二各長一丈五尺九寸鈗以鐵
鍍銀軫長五尺九寸濶三尺五寸駕馬一

皇太后儀駕九鳳曲蓋



皇太后儀駕九鳳曲蓋 謹按馬端臨文獻通考唐制皇


太后鹵簿次錦曲蓋二十乾隆十四年

欽定

皇太后儀駕九鳳曲蓋明黃緞為之黃裏通高一丈二尺
二寸蓋徑五尺三寸繡流雲上冠金頂七寸五分
垂檐三層各深一尺三寸繡彩鳳九間以花文旁
垂影帶二長三尺五寸濶二寸九分如蓋色繡彩
雲曲柄為木質塗金龍首二徑二尺三寸上下攢

竹鬚朱上長三尺七寸下長五尺三寸圍七寸四分

皇太后儀駕拂塵




皇太后儀駕拂塵 謹按乾隆十四年

欽定

皇太后儀駕拂塵朱釐為之長二尺三寸結於木柄其長
二尺圍一寸三分通髻以金上飾鏤金鳳首三寸
五分銜小金環以綴拂下飾鏤金鳳尾三寸三分
末鏤金錢形垂朱綵

皇太后儀駕提鑪



皇太后儀駕提鑪

謹按唐書儀衛志皇太后出香蹬一

內給使四人輦之乾隆十四年

欽定

皇太后儀駕提鑪范金為之通高八寸六分深四寸五分

口徑三寸二分腹圓一尺六寸七分蓋高二寸一


分環鏤芙蓉下垂雲葉頂為立鳳項鏤花文雙鳳

為耳三足各高一寸五分提以金索三上冠雲葉

旁繫索以屬蓋提杆攢竹髮朱長三尺九寸圍三

寸三分兩端飾金鳳首尾上綴金鈎於雲葉提之
陳設時承以八角盤口徑一尺一寸二分底徑九
寸七分通髹朱繪金龍鳳置方几上几高一尺五
寸七分上徑一尺四寸六分下徑一尺四寸八分
四足鏤螭首虎爪承以圓珠下周橫距通髹以朱
面繪龍鳳周繪行龍

皇太后儀駕香合




皇太后儀駕香合 謹按乾隆十四年

欽定

皇太后儀駕香合范金為之橢圓有蓋通高五寸二分口
縱七寸二分橫四寸二分蓋高一寸三分面為立
鳳周為翔鳳四口為回文下深一寸二分亦鏤雲
鳳回文間以火珠足高四分陳設時盤及几俱如
提鑪之制

皇太后儀駕盥盆




皇太后儀駕盥盆

謹按乾隆十四年

欽定

皇太后儀駕盥盆范金為之形圓十二稜高三寸九分口徑一尺二寸九分邊釵花文八寶底徑一尺一寸釵花文中立雙鳳陳設時盤及几俱如提鑪之制

皇太后儀駕唾壺



皇太后儀駕唾壺

謹按乾隆十四年

欽定

皇太后儀駕唾壺范金為之通高六寸七分口徑四寸六分
分釵雲文回文蓋高二寸頂為立鳳高二寸五分
旁為流雲下深一寸八分底徑二寸二分座高四寸五分徑三寸三分四足鏤螭首虎爪承以圓珠
下周圓距陳設時盤及几俱如提鑪之制

皇太后儀駕水瓶



皇太后儀駕水瓶

謹按乾隆十四年

欽定


皇太后儀駕水瓶范金為之大小各一大者通高一尺五寸五分深一尺三寸口徑四寸釵花文腹圍二尺七寸七分釵雲鳳火珠下為如意雲文耳為螭首銜鑲底徑六寸蓋高一寸徑六寸頂為立鳳高二寸七分小者通高一尺四寸五分深一尺一寸口徑三寸四分腹圍二尺五寸七分底徑五寸四分

蓋高一寸徑五寸七分形制花文皆同陳設時盤
及几俱如提鑪之制

欽定四庫全書

卷十二

皇太后儀駕馬杙




皇太后儀駕馬杙 謹按乾隆十四年

欽定

皇太后儀駕馬杙木質塗金高一尺六寸方一尺九寸面
繪金龍鳳間以流雲中為火珠四角飾鏤金花文
四足為螭首虎爪承以圓珠下周橫距雜繪八寶

皇太后儀駕交椅




皇太后儀駕交椅 謹按乾隆十四年

欽定

皇太后儀駕交椅木質塗金曲扶箕張倚上仰交足橫距
貫以鐵樞雙疊舉之通高二尺九寸五分縱一尺
一寸五分橫二尺二寸四角飾鏤金花文座面織
明黃絲絛倚刻龍鳳踏几高三寸三分縱九寸五
分橫一尺八寸六分亦塗金

皇太后儀駕九鳳蓋



皇太后儀駕九鳳蓋 謹按乾隆十四年

欽定

皇太后儀駕九鳳蓋五色緞為之各二鳳及雲文花文皆
銷金直柄長一丈一尺餘俱如九鳳曲蓋之制

皇太后儀駕花蓋




皇太后儀駕花蓋 謹按馬端臨文獻通考唐制皇太后

鹵簿次錦花蓋二乾隆十四年

欽定

皇太后儀駕花蓋明黃緞為之彩繡八寶雜花直柄長一丈一尺餘俱如九鳳曲蓋之制

皇太后儀駕方纛



皇太后儀駕方纈


謹按馬端臨文獻通考唐制皇太后

鹵簿次大纈四宋元祐三年詔有司尋繹典故纈
用紅乾隆十四年

欽定

皇太后儀駕方纈紅緞為之方五尺垂幃三層不施繡文
旁垂影帶直柄長一丈一尺

皇太后儀駕龍鳳扇



皇太后儀駕龍鳳扇 謹按馬端臨文獻通考唐制皇太

后鹵簿次偏扇團扇各二十四分左右乾隆十四

年

欽定

皇太后儀駕龍鳳扇明黃紅二色緞為之各四通高一丈


九寸扇圓徑三尺三寸繡龍鳳各一間以流雲周

為襍積中貫柄處飾以藍上下約以金花翠葉中

鏤鳳背亦如之柄攢竹髮朱長七尺五寸圍四寸

六分

皇太后儀駕鸞鳳扇




皇太后儀駕鸞鳳扇。謹按馬端臨文獻通考唐制皇太后鹵簿次方扇二十四分左右乾隆十四年

欽定

皇太后儀駕鸞鳳扇明黃紅二色緞為之各四通高一丈一尺九寸扇上橢下方徑三尺四寸五分上濶二尺九寸五分下濶二尺五寸五分繡五彩鸞鳳各一間以花文綠緣濶四寸七分周繡孔雀翎上下約以金花翠葉下綴橫木高四寸一分髹黑繪金

鸞鳳柄攢竹髮黑長七尺八寸五分圍四寸四分

皇太后儀駕金節




皇太后儀駕金節 謹按乾隆十四年

欽定

皇太后儀駕金節朱紉貫朱旒八下繫朱綏屬於杆韜以黃紗長八尺圍二尺九寸通繡五色龍鳳蓋高九寸徑一尺二寸綠緞幕之紅緣垂檐黃紅二重杆攢竹髮朱長一丈圍四寸三分上為曲項加塗金鳳首銜錄屬銅蓋繫節通高一丈一尺二寸

皇太后儀駕龍鳳旗




皇太后儀駕龍鳳旗

謹按乾隆十四年

欽定

皇太后儀駕龍鳳旗五色緞為之各二斜幅銷金龍鳳各一間以流雲縵徑四尺七寸旂徑六尺斜徑八尺二寸杆攢竹髮朱長一丈三尺三寸圍四寸七分首冠鏤金火燄頂注朱旒鐔以鐵塗金通高一丈四尺九寸

皇太后儀駕卧瓜



皇太后儀駕卧瓜

謹按乾隆十四年

欽定

皇太后儀駕卧瓜雕木為之長六寸九分圍一尺五寸六
棱有蒂刻雲文卧置柄首銜以龍首皆塗金
柄攢竹髮朱長五尺九寸圍三寸八分鍍以銅鍍
銀高一寸六分通高七尺五寸

皇太后儀駕立瓜



皇太后儀駕立瓜

謹按乾隆十四年

欽定

皇太后儀駕立瓜雕木為之長七寸圍一尺四寸形如卧
瓜立置柄首柄長五尺七寸八分如卧瓜之制通
高七尺八寸

皇太后儀駕吾仗




皇太后儀駕吾仗

謹按乾隆十四年

欽定

皇太后儀駕吾仗攢竹為之圍四寸三分髮朱兩端繪金
雲通高六尺九寸

皇后儀駕鳳輿



皇后儀駕鳳輿 謹按宋史輿服志檐子南渡後所製也東都皇后備厭翟車常乘則白籐輿明會典鳳轎抹金銅珠頂四角抹金銅飛鳳三面繪翟文抹金銅鳳頭鳳尾裝飾乾隆十四年

欽定


皇后儀駕鳳輿木質髻以明黃通高七尺穹蓋二重高一尺五寸五分上為八角各飾金鳳下方四隅飾亦如之冠金圓頂七寸二分鏤雲銜以雜寶簷縱

五尺橫三尺七寸六分明黃緞垂幃上深三寸下
深一尺一寸皆銷金鳳四柱各高四尺七寸縱四
尺上橫二尺九寸下二尺三寸五分皆繪金鳳櫺
四啟青紉網之前為雙扉高二尺六寸濶二尺一
寸啟扉則舉櫺懸之內髮淺紅中置朱座高一尺
七寸倚髮明黃高一尺八寸繪金鳳坐具明黃緞
繡彩鳳前加撫式亦髮明黃繪金鳳直轆二各長
一丈七尺二寸五分大橫杆二各長八尺中為鐵

鍍金雙鳳相向小橫杆四各長三尺肩杆八各長
五尺皆髹明黃橫鈎以銅縱加銅鍍金鳳首尾昇
以十六人

親死蠹御之

皇后儀駕鳳車



皇后儀駕鳳車 謹按唐書輿服志皇后車則有重翟

厭翟翟車安車四望車金根車六等明會典中宮

鹵簿安車一抹金銅鳳頭鳳尾鳳翎葉片裝釘乾


隆十四年

欽定

皇后儀駕鳳車木質髹以明黃通高九尺五寸穹蓋二
重高一尺七寸上繪八寶八角各飾金鳳下繪雲
文四隅飾亦如之冠金圓頂八寸五分鏤雲銜以

雜寶簷縱四尺九寸橫四尺明黃緞垂幃上深三寸下深一尺一寸蓋明黃絡四隅繫明黃絨紉屬於軫四柱各高三尺三寸縱四尺八寸橫二尺一寸左右及後皆繪金鳳中各啟樞青紉網之門高三尺濶一尺八寸五分上鏤金鳳相向明黃緞幃黃裏坐具明黃緞繡彩鳳輪徑各四尺九寸各有八輻轆二各長一丈七尺五寸兩端鈗以鐵鍍金軫長六尺二寸濶三尺三寸駕馬一

皇后儀駕儀輿



皇后儀駕儀輿 謹按宋史輿服志皇后常出止用副


金塗銀裝白籐輿乾隆十四年

欽定

皇后儀駕儀輿木質髹以明黃通高五尺九寸上為穹
蓋高六寸七分冠銀圓頂塗金高六寸三分簷縱
四尺七寸橫三尺六寸四隅繫黃絨紉屬於直轅
明黃緞垂檐深一尺一寸四柱各高四尺七寸縱
四尺橫三尺門高三尺七寸濶二尺五寸明黃緞

幃紅裏中置朱座高一尺五寸倚髻明黃高一尺
六寸繪金鳳坐具明黃緞繡彩鳳直轅二各長一
丈五尺五寸橫杆二各長七尺七寸中為鐵鍍金
雙鳳相向肩杆四各長五尺二寸兩端鈗以銅鍍
金昇以八人

皇后儀駕儀車



皇后儀駕儀車 謹按隋書禮儀志皇后副車三十六

乘乾隆十四年

欽定

皇后儀駕儀車木質髹以明黃通高九尺五寸穹蓋上
圓下方高九寸冠銀圓頂塗金高七寸簷縱五尺
五寸橫四尺一寸四隅繫明黃絨紉屬於軫明黃
緞垂檐深一尺二寸四柱各高二尺八寸縱四尺
七寸橫三尺二寸不加繪飾裏髹淺紅明黃緞幃


黃裏坐具明黃緞繡彩鳳輪徑各四尺各十有八
輻轆二各長一丈五尺鈗以鐵鍍銀軫長五尺八
寸濶三尺四寸駕馬一

欽定四庫全書

卷十二

十二

皇后儀駕九鳳曲蓋



皇后儀駕九鳳曲蓋 謹按元史輿服志中宮導從執


繖一人由中道行乾隆十四年

欽定

皇后儀駕九鳳曲蓋明黃緞為之黃裏通高一丈二尺
蓋徑五尺二寸繡流雲上冠金頂七寸四分垂檐
三層各深一尺二寸繡彩鳳九間以花文旁垂影
帶二長三尺五寸濶二寸五分如蓋色亦繡彩雲
曲柄為木質塗金龍首二徑二尺二寸上下攢竹

髮朱上長三尺六寸下長五尺二寸圍七寸三分

皇后儀駕拂塵




皇后儀駕拂塵 謹按元史輿服志中宮導從執金拂
四人乾隆十四年

欽定

皇后儀駕拂塵朱氅為之長二尺二寸結於木柄其長
二尺圍一寸二分通髻以金上飾鏤金鳳首三寸
三分銜小金環以綴拂下飾鏤金鳳尾二寸二分
朱鏤金錢形垂朱綵

皇后儀駕提鑪



皇后儀駕提鑪 謹按宋史儀衛志皇后鹵簿次香蹬


一乾隆十四年

欽定

皇后儀駕提鑪范金為之通高八寸二分深四寸三分
口徑三寸二分腹圍一尺六寸七分蓋高二寸一
分環鏤芙蓉下垂雲葉頂為立鳳項鏤花文雙鳳
為耳三足各高一寸三分提以金索三上冠雲葉
旁繫索以屬蓋提杆攢竹髮朱長三尺八寸圍三

寸二分兩端飾金鳳首尾上綴金鈎於雲葉提之
陳設時承以八角盤口徑一尺一寸二分底徑九
寸七分通髻朱繪金鳳置方几上高一尺五寸七
分上徑一尺四寸六分下徑一尺四寸八分四足
鏤螭首虎爪承以圓珠下周橫距通髻以朱面繪
鳳周繪流雲

皇后儀駕香合




皇后儀駕香合 謹按元史輿服志中宮導從捧金香
毬二人捧金香合二人分左右乾隆十四年

欽定

皇后儀駕香合範金為之橢圓有蓋通高五寸二分口
縱七寸二分橫四寸二分蓋高一寸三分面為立
鳳周為翔鳳四口為回文下深一寸二分亦鏤雲
鳳回文間以火珠足高四分陳設時盤及几俱如
提鑪之制

皇后儀駕盥盆




皇后儀駕盥盆 謹按元史輿服志中宮導從攜金盆
一人由左乾隆十四年

欽定

皇后儀駕盥盆范金為之形圓十二稜高三寸六分口
徑一尺二寸邊釵花文八寶底徑一尺釵花文中
立雙鳳陳設時盤及几俱如提鑪之制

皇后儀駕唾壺



皇后儀駕唾壺 謹按元史輿服志中宮導從捧金唾壺一人由左乾隆十四年

欽定

皇后儀駕唾壺范金為之通高六寸六分口徑四寸五分鏤雲文回文蓋高二寸頂為立鳳高二寸三分旁為流雲下深一寸八分底徑二寸二分座高四寸三分四足鏤螭首虎爪承以圓珠下周圓距陳設時盤及几俱如提鑪之制

皇后儀駕水瓶



皇后儀駕水瓶 謹按元史輿服志中宮導從攜水瓶

金鹿盧一人由右乾隆十四年

欽定


皇后儀駕水瓶范金為之大小各一大者通高一尺五寸三分深一尺一寸六分口徑四寸釵花文腹圍二尺七寸七分釵雲鳳火珠下為如意雲文耳為螭首銜鐐底徑六寸蓋高一寸徑六寸頂為立鳳高二寸五分小者通高一尺四寸三分深一尺三

分口徑三寸四分腹圍二尺五寸七分底徑五寸四分蓋高一寸徑五寸七分形制花文皆同陳設時盤及几俱如提鑪之制

欽定四庫全書

卷十二

皇后儀駕馬杙




皇后儀駕馬杙 謹按乾隆十四年

欽定

皇后儀駕馬杙木質塗金高一尺六寸方一尺九寸五分面繪金鳳間以流雲中為火珠四角飾鏤金花文四足為螭首虎爪承以圓珠下周橫距雜繪八寶

皇后儀駕交椅




皇后儀駕交椅 謹按元史輿服志中宮導從負金椅
二人由右乾隆十四年

欽定

皇后儀駕交椅木質塗金曲扶箕張倚上仰交足橫距
貫以鐵樞雙疊舉之通高二尺九寸五分縱一尺
一寸五分橫二尺二寸四角飾鏤金花文座面織
明黃絲絛倚刻鳳踏几高三寸三分縱九寸五分
橫一尺八寸六分皆塗金

皇后儀駕九鳳蓋



皇后儀駕九鳳蓋

謹按乾隆十四年

欽定

皇后儀駕九鳳蓋五色緞為之各二鳳及雲文花文皆
銷金直柄長一丈一尺餘俱如九鳳曲蓋之制

皇后儀駕花蓋




皇后儀駕花蓋 謹按宋史儀衛志皇后鹵簿錦花蓋

二元史輿服志中宮導從執葆蓋四人皆分左右
行乾隆十四年

欽定

皇后儀駕花蓋明黃緞為之繡八寶雜花直柄長一丈
一尺餘俱如九鳳曲蓋之制

皇后儀駕方繖




皇后儀駕方繖 謹按宋史儀衛志皇后鹵簿次大繖

四乾隆十四年

欽定

皇后儀駕方繖紅緞為之方五尺垂檐三層不施繡文
旁垂彩帶直柄長一丈五寸

皇后儀駕龍鳳扇



皇后儀駕龍鳳扇 謹按宋史儀衛志皇后鹵簿團扇

二十四朱畫團扇十二乾隆十四年

欽定

皇后儀駕龍鳳扇明黃紅二色緞為之各四通高一丈


九寸扇圓徑三尺二寸五分繡龍鳳各一間以流

雲周為襍積中貫柄處飾以藍上下約以金花翠

葉中鏤鳳背亦如之柄攢竹髮朱長七尺五寸圍

四寸六分

皇后儀駕鸞鳳扇



皇后儀駕鸞鳳扇 謹按宋史儀衛志皇后鹵簿方扇

二十四乾隆十四年

欽定

皇后儀駕鸞鳳扇明黃紅二色緞為之各四通高一丈
一尺八寸扇上楸下方徑三尺四寸五分上濶二
尺九寸五分下濶二尺五寸五分繡五彩鸞鳳各
一間以花文綠緣濶四寸七分周繡孔雀翎上下
約以金花翠葉下綴橫木高四寸一分髮黑繪金

鸞鳳柄攢竹髮黑長七尺八寸五分圍四寸四分

皇后儀駕金節




皇后儀駕金節 謹按乾隆十四年

欽定

皇后儀駕金節朱紉貫朱旒八下繫朱綫屬於杆韜以黃紗長七尺九寸圍二尺七寸通繡五色龍鳳蓋高九寸徑一尺一寸綠緞翬之紅緣垂檐黃紅二重杆攢竹髮朱長一丈圍四寸三分上為曲項加塗金鳳首銜鏤屬銅蓋繫節通高一丈一尺

皇后儀駕龍鳳旗



皇后儀駕龍鳳旗 謹按乾隆十四年

欽定

皇后儀駕龍鳳旗五色緞為之各二斜幅銷金龍鳳各一間以流雲繆徑四尺七寸旂徑六尺斜徑八尺二寸杆攢竹髮朱長一丈三尺一寸圍四寸五分首冠鏤金火燄頂注朱旒罇以鐵塗金通高一丈四尺七寸

皇后儀駕卧瓜



皇后儀駕卧瓜 謹按元史輿服志中宮導從執骨朶


二人乾隆十四年

欽定

皇后儀駕卧瓜雕木為之長六寸八分圍一尺四寸六
棱有蒂刻雲文卧置柄首釜上銜以龍首皆塗金
柄攢竹髮朱長五尺七寸圍三寸八分鍍以銅鍍
銀高一寸四分通高七尺三寸

皇貴妃 貴妃儀仗 妃 嬪采仗卧瓜皆同

皇后儀駕立瓜



皇后儀駕立瓜

謹按乾隆十四年

欽定

皇后儀駕立瓜雕木為之長七寸圍一尺四寸形如卧
瓜立置柄首柄長五尺五寸五分如卧瓜之制通
高七尺五寸

皇貴妃

貴妃儀仗

妃

嬪采仗立瓜皆同

皇后儀駕吾仗




皇后儀駕吾仗 謹按乾隆十四年

欽定

皇后儀駕吾仗攢竹為之圍四寸髮朱兩端繪金雲通
高六尺八寸

皇貴妃 貴妃儀仗 妃 嬪采仗吾仗皆同

皇貴妃儀仗翟輿




皇貴妃儀仗翟輿 謹按明會典皇妃儀仗鳳轎一
抹金銅珠頂四角抹金銅飛鳳三面繪以翟文抹
金銅釵花葉片裝釘抹金銅鳳頭鳳尾裝飾乾隆
十四年

欽定

皇貴妃儀仗翟輿木質髹以明黃繪飾彩繡皆金翟
橫杆中為鐵鍍銀雙翟相向翟首鍍金凡杆皆縱
加銅鍍金翟首尾肩杆四昇以八人餘俱如

皇后儀駕鳳輿之制

皇貴妃儀仗翟車



皇貴妃儀仗翟車


謹按乾隆十四年

欽定

皇貴妃儀仗翟車木質髹以明黃蓋飾金翟左右及後繪金翟門上鏤金翟相向坐具繡彩翟轅鈿以鐵鍍銀餘俱如

皇后儀駕鳳車之制

皇貴妃儀仗儀輿



皇貴妃儀仗儀輿 謹按乾隆十四年


欽定

皇貴妃儀仗儀輿木質髹以明黃倚繪金翟坐具繡
彩翟橫杆中為鐵鍍銀雙翟相向翟首鍍金餘俱

如

皇后儀駕儀輿之制

皇貴妃儀仗儀車




皇貴妃儀仗儀車
謹按乾隆十四年

欽定

皇貴妃儀仗儀車木質髹以明黃坐具繡彩翟餘俱
如

皇后儀駕儀車之制

皇貴妃儀仗七鳳曲蓋




皇貴妃儀仗七鳳曲蓋
謹按乾隆十四年

欽定

皇貴妃儀仗七鳳曲蓋明黃緞為之黃裏繡彩鳳七
曲柄為木質塗金龍首一徑一尺八寸餘俱如

皇后儀駕九鳳曲蓋之制

皇貴妃儀仗拂塵



皇貴妃儀仗拂塵
謹按乾隆十四年


欽定

皇貴妃儀仗拂塵朱髹為之柄兩端飾金翟首尾餘
俱如

皇后儀駕拂塵之制

貴妃儀仗拂塵同

皇貴妃儀仗提鑪



皇貴妃儀仗提鑪
謹按乾隆十四年


欽定

皇貴妃儀仗提鑪范金為之蓋頂為翔翟耳為雙翟
提杆兩端飾金翟首尾盤及几面皆繪金翟餘俱
如

皇后儀駕提鑪之制

貴妃儀仗提鑪同

皇貴妃儀仗香合



皇貴妃儀仗香合 謹按乾隆十四年


欽定

皇貴妃儀仗香合范金為之面為翔翟周為花草下
亦鏤花草回文盤及几面皆繪金翟餘俱如

皇后儀駕香合之制

貴妃儀仗香合同

皇貴妃儀仗盥盆



皇貴妃儀仗盥盆
謹按乾隆十四年


欽定

皇貴妃儀仗盥盆范金為之中立雙翟盤及几面皆
繪金翟餘俱如

皇后儀駕盥盆之制

貴妃儀仗盥盆同

皇貴妃儀仗唾壺



皇貴妃儀仗唾壺
謹按乾隆十四年

欽定

皇貴妃儀仗唾壺
范金為之頂為翔翟盤及几面皆
繪金翟餘俱如

皇后儀駕唾壺之制

貴妃儀仗唾壺同

皇貴妃儀仗水瓶



皇貴妃儀仗水瓶 謹按乾隆十四年


欽定

皇貴妃儀仗水瓶范金為之大小各一腹釵雲翟頂
為翔翟盤及几面皆繪金翟餘俱如

皇后儀駕水瓶之制

貴妃儀仗水瓶同

皇貴妃儀仗馬杌




皇貴妃儀仗馬杌 謹按乾隆十四年

欽定

皇貴妃儀仗馬杌木質塗金面繪金翟四角飾銅鏤
雲文塗金餘俱如

皇后儀駕馬杌之制

皇貴妃儀仗交椅




皇貴妃儀仗交椅
謹按乾隆十四年

欽定

皇貴妃儀仗交椅木質塗金倚銅質鏤翟餘俱如
皇后儀駕交椅之制

皇貴妃儀仗花蓋




皇貴妃儀仗花蓋 謹按乾隆十四年

欽定

皇貴妃儀仗花蓋黃紅藍三色緞為之各二繡八寶
雜花直柄長一丈一尺餘俱如

皇后儀駕九鳳曲蓋之制

皇貴妃儀仗瑞草蓋



皇貴妃儀仗瑞草蓋
謹按乾隆十四年


欽定

皇貴妃儀仗瑞草蓋紅黑二色緞為之各二繡瑞草
直柄長一丈一尺餘俱如

皇后儀駕九鳳曲蓋之制

貴妃儀仗瑞草蓋同

皇貴妃儀仗鸞鳳扇




皇貴妃儀仗鸞鳳扇 謹按乾隆十四年

欽定

皇貴妃儀仗鸞鳳扇紅黑二色緞為之各二通高一丈一尺七寸扇上橢下方徑三尺上濶二尺九寸下濶二尺五寸繡五彩鸞鳳各一間以花文綠緣濶四寸五分上下約以金花翠葉下綴橫木高四寸髹黑繪金翟柄木質髹黑長七尺五寸圍四寸三分

貴妃儀仗鸞鳳扇同

皇貴妃儀仗團扇



皇貴妃儀仗團扇 謹按乾隆十四年

欽定

皇貴妃儀仗團扇黃紅黑三色雲緞為之各二通高一丈一尺七寸扇圓徑三尺五寸不施繡周為襍積中貫柄處飾以藍上下約以金花翠葉背亦如之柄木質髹朱長七尺五寸圍四寸三分

貴妃儀仗團扇同

皇貴妃儀仗金節



皇貴妃儀仗金節 謹按乾隆十四年


欽定

皇貴妃儀仗金節朱紉貫朱旒八下繫朱綵屬於杆
韜以紅紗長七尺六寸圍二尺六寸通繡五彩翟
蓋紅緞幕之綠緣杆上曲項加塗金翟首餘俱如

皇后儀駕金節之制

貴妃儀仗 妃 嬪采仗金節皆同

皇貴妃儀仗鳳旗




皇貴妃儀仗鳳旗
謹按乾隆十四年

欽定

皇貴妃儀仗鳳旗黃紅黑三色緞為之各二斜幅中
銷金鳳一繆徑四尺旂徑六尺斜徑八尺杆攢竹
髻朱長一丈三尺圍四寸三分首冠塗金銅頂注
朱旒通高一丈四尺五寸

皇貴妃儀仗彩旗




皇貴妃儀仗彩旗
謹按乾隆十四年

欽定

皇貴妃儀仗彩旗紅黑二色雲緞為之各二斜幅不
繡餘俱如鳳旗之制

貴妃儀仗彩旗同

貴妃儀仗翟輿




貴妃儀仗翟輿 謹按乾隆十四年

欽定

貴妃儀仗翟輿木質髹以金黃蓋檐坐具皆用金黃
緞繪飾彩繡皆金翟橫杆中為鐵鍍銀雙翟相向
翟首鍍金凡杆皆縱加金翟首尾肩杆四昇以八
人餘俱如

皇后儀駕鳳輿之制

貴妃儀仗儀輿




貴妃儀仗儀輿 謹按乾隆十四年

欽定

貴妃儀仗儀輿木質髹以金黃幃幃坐具皆用金黃
緞繪飾彩繡皆金翟橫杆中為鐵鍍銀雙翟相向
翟首鍍金餘俱如

皇后儀駕儀輿之制

貴妃儀仗儀車




貴妃儀仗儀車 謹按乾隆十四年

欽定

貴妃儀仗儀車木質髹以金黃幃幃皆用金黃緞坐
具亦如之繡彩翟餘俱如

皇后儀駕儀車之制

貴妃儀仗七鳳曲蓋



貴妃儀仗七鳳曲蓋 謹按乾隆十四年


欽定

貴妃儀仗七鳳曲蓋金黃緞為之黃裏繡彩鳳七曲柄為木質塗金龍首一徑一尺八寸餘俱如

皇后儀駕九鳳曲蓋之制

妃 嬪采仗七鳳曲蓋皆同

貴妃儀仗馬杌




貴妃儀仗馬杙 謹按乾隆十四年

欽定

貴妃儀仗馬杙木質髹金黃飾以銅繪金翟餘俱如
皇后儀駕馬杙之制

妃 嬪采仗馬杙皆同

貴妃儀仗交椅



貴妃儀仗交椅 謹按乾隆十四年

欽定


貴妃儀仗交椅木質飾以銅座面織金黃絲縹餘俱

如

皇后儀駕交椅之制

妃 嬪采仗交椅皆同

貴妃儀仗花蓋




貴妃儀仗花蓋 謹按乾隆十四年

欽定

貴妃儀仗花蓋金黃紅黑三色緞為之各二繡八寶
雜花直柄長一丈一尺餘俱如

皇后儀駕九鳳曲蓋之制

貴妃儀仗鳳旗




貴妃儀仗鳳旗 謹按乾隆十四年

欽定

貴妃儀仗鳳旗紅黑二色緞為之各二餘俱如
皇貴妃儀仗鳳旗之制

妃采仗鳳旗同

妃采仗翟輿



妃采仗翟輿 謹按乾隆十四年


欽定

妃采仗翟輿木質髻以金黃冠銅圓頂塗金蓋檐坐
具皆用金黃緞繪飾彩繡皆金翟橫杆中為鐵鍍
銀雙翟相向翟首鍍金直杆加銅髻金翟首尾肩
杆四鏤翟首尾髻以金昇以八人餘俱如

皇后儀駕鳳輿之制

嬪采仗翟輿同

妃采仗儀輿



妃采仗儀輿 謹按乾隆十四年

欽定

妃采仗儀輿木質髹以金黃冠銅圓頂塗金檐幃坐


具皆用金黃緞繪飾彩繡皆金翟肩杆二昇以四

人餘俱如

皇后儀駕儀輿之制

嬪采仗儀輿同

妃采仗儀車



妃采仗儀車 謹按乾隆十四年

欽定

妃采仗儀車木質髹以金黃冠銅圓頂塗金檐幃皆用金黃緞坐具亦如之繡彩翟餘俱如

皇后儀駕儀車之制

嬪采仗儀車同

妃采仗提鑪




妃采仗提鑪 謹按乾隆十四年

欽定

妃采仗提鑪銀質飾以金鏤繪皆金翟餘俱如
皇后儀駕提鑪之制

嬪采仗提鑪同

妃采仗香合




妃采仗香合 謹按乾隆十四年

欽定

妃采仗香合銀質飾以金鏤繪皆金翟餘俱如
皇后儀駕香合之制

嬪采仗香合同

妃采仗盥盆



妃采仗盥盆 謹按乾隆十四年


欽定

妃采仗盥盆銀質飾以金鏤繪皆金翟餘俱如

皇后儀駕盥盆之制

嬪采仗盥盆同

妃采仗唾壺




妃采仗唾壺 謹按乾隆十四年

欽定

妃采仗唾壺銀質飾以金鏤繪皆金翟餘俱如
皇后儀駕唾壺之制

嬪采仗唾壺同

妃采仗水瓶




妃采仗水瓶 謹按乾隆十四年

欽定

妃采仗水瓶銀質飾以金鏤繪皆金翟餘俱如
皇后儀駕水瓶之制

嬪采仗水瓶同

妃采仗黃蓋



妃采仗黃蓋 謹按乾隆十四年

欽定

妃采仗黃蓋金黃雲緞為之不施繡文直柄長一丈
一尺餘俱如

皇后儀駕九鳳曲蓋之制

妃采仗花蓋




妃采仗花蓋 謹按乾隆十四年

欽定

妃采仗花蓋紅黑二色緞為之各二繡八寶雜花直柄長一丈一尺餘俱如

皇后儀駕九鳳曲蓋之制

妃采仗團扇



妃采仗團扇 謹按乾隆十四年

欽定

妃采仗團扇紅黑二色雲緞為之各二餘俱如
皇貴妃儀仗團扇之制

嬪采仗花蓋



嬪采仗花蓋


謹按乾隆十四年

欽定

嬪采仗花蓋金黃紅二色緞為之各二繡八寶雜花
直柄長一丈一尺餘俱如

皇后儀駕九鳳曲蓋之制

嬪采仗團扇



嬪米仗團扇


謹按乾隆十四年

欽定

嬪采仗團扇紅雲緞為之餘俱如

皇貴妃儀仗團扇之制

嬪采仗鳳旗



嬪采仗鳳旗 謹按乾隆十四年

欽定

嬪采仗鳳旗紅緞為之餘俱如

貴妃儀仗鳳旗之制



皇朝禮器圖式卷十二



總校官庶吉士臣侍朝

校對官監丞臣張曾炳

謄錄監生臣徐如灝

繪圖監生臣李鈞